



Comhairle an  
Aontais Eorpaigh

An Bhruiséil, 3 Samhain 2022  
(OR. en)

12786/22

---

---

Comhad Idirinstitiúideach:  
2022/0248 (NLE)

---

---

PECHE 351

### **GNÍOMHARTHA REACHTACHA AGUS IONSTRAIMÍ EILE**

---

Ábhar: RIALACHÁN ÓN gCOMHAIRLE maidir le leithdháileadh na ndeiseanna iascaireachta faoin bPrótacal lena gcuirtear chun feidhme an Comhaontú Comhpháirtíochta Iascaigh idir an tAontas Eorpach agus Poblacht Oileán Mhuirís (2022-2026)

---

**RIALACHÁN (AE) 2022/... ÓN gCOMHAIRLE**

**an ...**

**maidir le leithdháileadh na ndeiseanna iascaireachta faoin  
bPrótacal lena gcuirtear chun feidhme an Comhaontú Comhpháirtíochta Iascaigh  
idir an tAontas Eorpach agus Poblacht Oileán Mhuirís (2022-2026)**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 43(3) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Tugadh an Comhaontú Comhpháirtíochta Iascaigh idir an tAontas Eorpach agus Poblacht Oileán Mhuirís<sup>1</sup> (an ‘Comhaontú’) i gcrích le Cinneadh 2014/146/AE ón gComhairle<sup>2</sup> agus tháinig sé i bhfeidhm an 28 Eanáir 2014.
- (2) Sa chéad phrótacal<sup>3</sup> a ghabhann leis an gComhaontú, leagtar amach, ar feadh tréimhse 3 bliana, na deiseanna iascaireachta a dheonaítear do shoithí an Aontais in uisce Oileán Mhuirís agus an ranníocaíocht airgeadais arna deonú ag an Aontas. Chuaigh tréimhse chur i bhfeidhm an phrótacail sin in éag an 27 Eanáir 2017.
- (3) Sa dara prótacal<sup>4</sup> a ghabhann leis an gComhaontú, leagtar amach, ar feadh tréimhse 4 bliana, na deiseanna iascaireachta a dheonaítear do shoithí an Aontais in uisce Oileán Mhuirís agus an ranníocaíocht airgeadais arna deonú ag an Aontas. Chuaigh tréimhse chur i bhfeidhm an phrótacail sin in éag an 7 Nollaig 2021.

---

<sup>1</sup> IO L 79, 18.3.2014, lch. 3.

<sup>2</sup> Cinneadh 2014/146/AE ón gComhairle an 28 Eanáir 2014 maidir le tabhairt i gcrích an Chomhaontaithe Comhpháirtíochta Iascaigh idir an tAontas Eorpach agus Poblacht Oileán Mhuirís (IO L 79, 18.3.2014, lch. 2).

<sup>3</sup> Prótacal lena leagtar amach na deiseanna iascaireachta agus an ranníocaíocht airgeadais dá bhforáiltear sa Chomhaontú Comhpháirtíochta Iascaigh idir an tAontas Eorpach agus Poblacht Oileán Mhuirís (IO L 79, 18.3.2014, lch. 9).

<sup>4</sup> Prótacal lena leagtar amach na deiseanna iascaireachta agus an ranníocaíocht airgeadais dá bhforáiltear sa Chomhaontú Comhpháirtíochta Iascaigh idir an tAontas Eorpach agus Poblacht Oileán Mhuirís (IO L 279, 28.10.2017, lch. 3).

- (4) Le comhaontú i bhfoirm malartú litreacha idir an tAontas agus Oileán Mhuirís<sup>1</sup>, cuireadh síneadh le cur i bhfeidhm an dara prótacal a ghabhann leis an gComhaontú go dtí an 4 Deireadh Fómhair 2022.
- (5) An 28 Meán Fómhair 2021, thug an Chomhairle údarú don Choimisiún tús a chur le caibidlíocht le hOileán Mhuirís chun prótacal nua a thabhairt i gcrích chun an Comhaontú a chur chun feidhme.
- (6) Mar thoradh ar an gcaibidlíocht sin, cuireadh inisealacha le prótacal nua le haghaidh thréimhse 4 bliana ('an Prótacal') an 7 Bealtaine 2022.
- (7) An ...<sup>+</sup>, ghlac an Chomhairle Cinneadh (AE) 2022/...<sup>2++</sup> maidir le síniú agus cur i bhfeidhm sealadach an Phrótacail, faoi réir a thabhairt i gcrích tráth níos déanaí.
- (8) Ba cheart na deiseanna iascaireachta dá bhforáiltear sa Phrótacal a leithdháileadh i measc na mBallstát le haghaidh thréimhse iomlán a chur i bhfeidhm.

---

<sup>1</sup> Comhaontú i bhfoirm Malartú Litreacha idir an tAontas Eorpach agus Poblacht Oileán Mhuirís a bhaineann le síneadh a chur leis an bPrótacal lena leagtar amach na deiseanna iascaireachta agus an ranníocaíocht airgeadais dá bhforáiltear leis an gComhaontú Comhpháirtíochta Iascaigh idir an tAontas Eorpach agus Poblacht Oileán Mhuirís (IO L 115, 13.4.2022, lch. 45).

<sup>+</sup> IO: Cuir isteach, le do thoil, dáta glactha an chinnidh in ST 12752/22.

<sup>2</sup> Cinneadh (AE) 2022/... ón gComhairle an ... maidir le síniú, thar ceann an Aontais, agus cur chun feidhme sealadach an Phrótacail lena gcuirtear chun feidhme an Comhaontú Comhpháirtíochta Iascaigh idir an tAontas Eorpach agus Poblacht Oileán Mhuirís (2022-2026) (IO L ..., ..., lch. ...).

<sup>++</sup> IO: Cuir isteach, le do thoil, uimhir an chinnidh atá in ST 12752/22 agus comhlánaigh an fonóta comhfhreagrach.

- (9) Ba cheart an Prótacal a chur chun feidhme a luaithe is féidir i bhfianaise na tábhachta eacnamaíche a bhaineann le gníomhaíochtaí iascaireachta an Aontais i limistéar iascaireachta Oileán Mhuirís agus i bhfianaise an ghá atá ann cur isteach ar ghníomhaíochtaí den sórt sin a íoslaghdú.
- (10) Is ar bhonn sealadach a bheidh feidhm ag an bPrótacal ó dháta a shínithe chun go bhféadfaidh soithí an Aontais a ngníomhaíochtaí iascaireachta a dhéanamh. Dá bhrí sin, ba cheart feidhm a bheith ag an Rialachán seo ón dáta céanna amach,

TAR ÉIS AN RIALACHÁN SEO A GHLACADH:

### *Airteagal 1*

Déanfar na deiseanna iascaireachta a bhunaítear faoin bPrótacal lena gcuirtear chun feidhme an Comhaontú Comhpháirtíochta Iascaigh idir an tAontas Eorpach agus Oileán Mhuirís (2022-2026) a leithdháileadh ar na Ballstáit mar a leanas:

- (1) 40 soitheach peas-saighne:
  - An Spáinn: 22 shoitheach
  - An Fhrainc: 16 shoitheach
  - An Iodáil: 2 shoitheach;
- (2) 45 bhád spiléireachta dromchla:
  - An Spáinn: 12 shoitheach
  - An Fhrainc: 29 soitheach
  - An Phortaingéil: 4 shoitheach.

## *Airteagal 2*

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón ...<sup>+</sup>.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh i/in/sa ...,

*Thar ceann na Comhairle  
An tUachtarán*

---

---

<sup>+</sup> IO: Cuir isteach, le do thoil, dáta glactha an chinnidh in ST 12752/22.